

5 Janeiro 2021

DFI ba dezvoltimentu perfurasaun Bayu-Undan

Santos, nu'udar operadór Joint Venture Bayu-Undan, ohin anunsia Desizaun Finál Investimentu ba programa perfurasaun mina-matan Faze 3C ho valór millaun US\$235 iha kampu Bayu-Undan iha Tasi Timór, parte tasi-klaran Timor-Leste nian.

Programa ne'e inklui posu produsaun tolu (plataforma rua no submarinu ida) no sei dezvoltolve rezervas adisionál ba gás naturál no líkidu, hodi hanaruk vida útil kampu nian no mós produsaun husi instalasaun sira iha rai-maran no planta LNG iha Darwin.

Aprovasaun ba projetu ne'e akontese menus husi fulan hitu depoizde Santos sai operadór ba Joint Venture Bayu-Undan nian hafoin finaliza tiha akizisaun ba ConocoPhillips nia ativus iha Austrália norte no Timor-Leste.

Posu sira-ne'e sei fura uza torre-perfurasaun auto-elevatória Noble Tom Prosser, ho posu posu primeiru programadu atu hahú iha Trimestre Daruak (Q2) tinan 2021, no espera katak produsaun husi posu primeiru ne'e sei hahú iha Trimestre Datoluk (3Q) tinan 2021 nian.

Santos nia Diretór Jerál no mós Diretór Ezekutivu (CEO) Kevin Gallagher hatete: "Ami sente haksolok tebes tanba bele buka hetan oportunidade ida ne'ebé mak laiha meza leten iha fulan 12 liubá, ne'ebé sei otimiza rekuperasaun ba kampu, hanaruk produsaun no mós apresenta valór signifikativu ba Joint Venture Bayu-Undan no mós ba povu Timor-Leste.

"Através relasaun serbisu ida besik no konstrutivu ho Governu Timor-Leste no ami-nia parseirus joint venture nian de'it mak ami bele avansa rápidamente ba iha ami-nia objetivu komún hodi masimiza valór husi kampu Bayu-Undan nian.

"Programa perfurasaun mina-matan nian ida-ne'e aumenta tan barríl millaun 20 resin husi minarai ekivalente rezervas bruta no produsaun ho kustu abastesimentu ida ki'ik no hanaruk vida útil Bayu-Undan nian, hamenus período ne'ebé LNG Darwin sai inoperasionál (offline) molok projetu Barossa nian tama iha funsionamentu."

Santos atualmente iha partisipasaun 68.4% no operadór iha Bayu-Undan no LNG Darwin ne'ebé sei redús ba 43.4% depoizde konklui tiha venda ida ho 25% ba SK E&S.

"Konkluzo ba venda SK E&S nian agora bastante avansada ho konsentimentu Joint Venture Bayu-Undan/DLNG no entidade reguladora Timor-Leste nian ne'ebé hetan tiha ona molok Natál tinan kotuk no ami iha progresu di'ak kona-ba aprovasaun husi entidade reguladora Australiana nian. Venda ne'e sei konklui bainhira foti ona Desizaun Finál ba Investimentu iha Barossa nian iha Semetre Dahuluk (1H) tinan 2021 nian," Sr. Gallagher haktuir.

Ramata.

Anúnsiu ASX nian ida-ne'e hetan aprovasaun no autorizasaun ba publikasaun husi Kevin Gallagher, Diretór Jerál no Diretór Ezekutivu.

Informasaun Mídia

James Murphy
+61 (0) 478 333 974
james.murphy@santos.com

Informasaun Investidor

Andrew Nairn
+61 8 8116 5314 / +61 (0) 437 166 497
andrew.nairn@santos.com

Santos Limited

ABN 80 007 550 923
GPO Box 2455, Adelaide SA 5001
T +61 8 8116 5000 F +61 8 8116 5131
www.santos.com